

Communicaziun a las medias BCG

La BCG lantscha ina nova procedura da login per l'e-banking CrontoSign Swiss permetta in'utilisaziun simpla ed ina segirezza optimala

Cuira, ils 8 d'october 2018 – Var 75'000 clientas e clients utiliseschan l'e-banking da la Banca Chantunala Grischuna (BCG). Uss introducescha la banca la procedura da login innovativa da CrontoSign Swiss. Il nov sistem è simpel d'utilisar e satisfa als pli auts standards da segirezza.

Cun CrontoSign Swiss remplazza la BCG sia procedura d'annunzia da fin ussa per l'e-banking che funcziuna cun code da sms e glista da segirezza. Per il nov login stat a disposiziun a las clientas ed als clients in'app gratuita per ils systems iOS, Android e Windows-Phone. CrontoSign Swiss vegn introduci en etappas. Enfin la fin da l'emprim quartal 2019 profiteschan tut las clientas ed ils clients dal login modern. La fasa da midada vegn accumpagnada d'ina vasta campagna d'infurmaziun.

Procedura da login innovativa

CrontoSign Swiss è ina procedura d'autentificaziun innovativa. Ella codescha las datas da login personalas en in mosaic colurà. Quel cumpara en l'e-banking suenter ch'ins è s'annunzià cun il numer dal contract ed il pled-clav. Cura che la clienta u il client scannescha il mosaic cun la camera da ses smartphone, decodescha l'app da CrontoSign Swiss sin ses apparat in supplement persunal ed unic al pled-clav. Quel pon ins endatar manualmain en il champ correspondent da la mascra da login. Las clientas ed ils clients senza smartphone pon comprar per il pretsch da produziun in lectur adattà. CrontoSign Swiss vegn applitgà tant per il login sco era per autorisaziuns da pajaments. La nova procedura d'annunzia porscha dapli segirezza en confrunt cun las soluziuns usitadas.

Ulteriuras infurmaziuns davart CrontoSign Swiss sin gkb.ch/cronto.

Affars da banca simpels e segirs cun l'e-banking da la BCG

Cun l'e-banking da la BCG pudais Vus liquidar Voss affars da banca online a moda simpla e cumadaivla. Sias funcziuns praticas permettan tranter auter da:

- liquidar tut ils affars da banca a moda segira
- registrar pajaments a moda svelta e gratuita
- far pajaments favuraivels a l'exteriur u en valutas estras
- effectuar incumbensas da bursa
- avair ina buna survista da la facultad e da las incumbensas finanzialas

Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2018:	8 da favrer 2019
Radunanza dals participants:	4 da matg 2019
